



Maniitsoq, 18. januar 2010

Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

**Naalakkersuisunut apeqqutit:**

- **Angajoqqaat meerartallit ineqarnerminnut atatillugu akiliisimannginnertik pillugu ineqarfimminnik anisinneqaraangata meerartaat angajoqqaaminnik avissaartillugit meeqqat ulloq unnuarlu angerlarsimaffiinut imaluunniit angajoqqaarsiaqartilerlugit inissinneqartarsimanerat ilumoortuua ?**
- **taamaappat Nuummi taamatut iliortarneq qanoq atugaatigaa?**
- **Aammalu illoqarfinni allani atorpeqarpa?**

**Tunngavilersuut:**

Tallimanngormat 15 januar Katuami KNR-p apeqqarissaarfiani Nuummi angerlarsimaffeqanngitsut naapittarfissaannut suliniarnermut tunngasumik apeqqarissaarnermi paatsuungaffigisaqarama taamatut aperivunga.

Sermersuup Kommuniani Tunnguinermit siulittaasoq Astrid Fleisher Rex demokratit taamatorpiaq ittumik nassuiaateqarmat. Nalunngisarput unaamat inatsiseqarlunilu kommunalbestyrelsip naliliilluareerneratigut aatsaat inuttut ilaqutariinni ajornartorsiutit imatut annertutigilersimappata taava meeraq illersorniarlugu periarfissaq kingullerpaaq atorpeqartarluni. Meerarisamit angajoqqaaminit avissaartitsineq ataatsimiititaliap naliliineratigut suut tamaasa aqusaareerneratigut kingullerpaatut isummerfigineqarsinnaasarluni; taamaattumik Nuummi najugarisamit anisitaasimaneq pillugu avissaartitsisoqartarsimaneq eqqarsarnartoqartoq isumaqarfigaara.

Ruth Heilmann, Siumut